



# Close to Home

## O le tala iā Josh - se savaliga e lagolago isi



O Josh lea i fafo o lona fale i Kalaisetete.

**Ina ua fesaga'ia e Josh se tasi o tulaga e sili ona faigatā i lona olaga, nai lo o le taula'i tau lava o lana savaliga, ae sa ua'i atu lona mafaufau i le auala e mafai ona ia fesoasoani ai i isi o loo feagai ma le tulaga lava e tasi.**

Ina ua 18 ona tausaga, sa fa'apipiliina Josh (ua 25 i le taimi nei) mai Kalaisetete ina ua fa'aleagaina e se gasegase e seāseā taatele e ta'ua o le transverse myelitis lona ivitū (tulou). Ina ua mavae le masina o taofia i le ICU, sa toe taofia o ia mo se isi 5 masina i le Christchurch's Burwood Spinal Unit mo toleniga auā le toe fa'afo'isia o lona malosī -ma o iinā na ia iloa e mafai ona ia fa'aaogā le mea na tupu iā te ia e fesoasoani ai i isi gasegase ua a'afia ai le ivitū.

"Na amata ona ou galue tauofo [mo le New Zealand Spinal Trust i le Burwood Hospital] a'o o'u iai i le falema'i, ona sa ou mana'o ou te toe fo'i mai, ae o le i'uga, ou te le'i alu ese - na ou te'a i tua ua iai la'u galuega," o le tala tausua lea a Josh sa fai.

Ua faigaluega nei fa'avaitaimi nei Josh o se tagata fesoasoani lagolago mo le New Zealand Spinal Trust, e lagolagosua i gasegase o loo soifua ma aafiaga o le ivitū.

"E tele lava i le fa'amalamalamaina o tala a foma'i ma isi tagata e galulue i le falema'i, fesoasoani la'ititi i gasegase ina ia fetu'utu'una'i ma a'oina nisi o fesoasoani e lē mafai e le falema'i ona a'oa'oina ai i latou, e pei o le tuleiina o se ta'avale faifa'atau (trolley) i totonu o le faleloa po'o le aveina o se ipu ti mai le laulau i le sofa," o lana tala lea.

O Josh, e lua isi galuega fa'avaitaimi e galue ai, e fai ai o ia ma faufautua ma leo mo i latou e iai mana'oga fa'apitoa, sa sifi atu o ia i se fale e tasi le potu moe a le Kāinga Ora lea e faigofie ona fa'aaogā ai lana nofoa fa'ata'avalevale, i le 3 masina ua tuana'i - ma ua fiafia lava i lona fale fou.

"Ua ou maua lenei nofoaga ma le sa'olotoga ou te toe pule ai i lo'u olaga. O le mafai ona ou sau

FA'AAUUAU I LE ITILAU 02



FA'AAUUAU I LE ITULAU 02

## O le tala iā Josh - se savaliga e lagolago isi

i se fale e mafai ona aveesea ai na fa'afitauli uma [le tulaga o le mafai ona fealua'igofie] e lagona ai le sa'oloto.

"E mafai ona ou alu e aumai la'u kofe masani i Aso Sa, ma ou te nofo latalata i le Kmart. O mea uma ou te mana'omia e na'o le 5 minute le mamao mai iā te a'u, ma e mafai ona ou pu'eina le pasi ou te alu ai i le galuega i le tulimanu - oka se manaia."

I le avea ai o ia o se 'tagata e fiafia i tagata' e naunau e fai o ia ma leo mo i latou e lē atoatoa le malosi o le tino, e lē taumatea o Josh o se tagata e sili ona lelei. Ae o le ā e u'una'ia ai o ia?



Ou te malamalama i fa'alogona pe a maua le lagolagosua ina o avea a'u o se tagata na ma'i, ma ou te malamalama fo'i i le a'afiaga na oo iā te a'u ona o lena lagolagosua, o le mea la o loo u'una'ia ai a'u ia mafai fo'i ona lagonaina e isi lena fa'alogona. Aua le suia le lalolagi atoa, ae e mafai ona e suia le lalolagi a se tagata e to'atasi."

Josh



Matamamata i le vitiō o le tala atoa a Josh i le matou upega tafa'ilagi -kaingaora.govt.nz.

# E fa'ailoa atu ua iai le suiga i le healthy home



**E tāua tele le mafanafana, mago ma lelei o le fale mo oe ma lou aiga O lona uiga la, e iai taimi e matou mo'omia ai le o'o atu i lou fale ina ia fa'atino galuega e fa'atumauna ma fa'aleleia ai lou fale.**

O i'ina e mana'omia ai lau fesoasoani! A fa'apea ua talosaga atu lē o lo'o gafa ma le va'aiga o le fale po'o se fai konekarate ia te oe e fa'atulaga se asiasiga, fa'amolemole galulue ma i latou e fa'ataunu'u lea tulaga. O lo'o taumafai i matou ia fa'afaigofie mo oe ma lou aiga mea uma, ma o le vave a la o le mafai ona matou o'o atu i lou fale, o le vave fo'i lena ona uma o le galuega.

E matou te iloa, i le taimi nei uiga ese o le COVID-19, o lo'o tatou taumafai uma lava ia puipui a tatou aiga, ma e malamalama foi la pe a fa'apea e te lagonaina le lē mautonu pe a iai tagata o lo'o galulue i totonu o lou fale. Atonu e iai foi nisi taimi e te lagona ai lou fia nofo ese i totonu o lou lava fale.



E tatou tre galulue fa'atasi ma tagata fai konekarate ina ia fa'amautinoa e fa'amuumua lou soifa maloloina ma lou saogalemu, a'o fa'agasolo so'o galuega i lou fale.

## Galuega a le healthy homes

Atonu ai ua e silafia e tatau ona fa'amautinoa muamua e le Kāinga Ora e ausia e fale a le malo ia fa'atulagana o le healthy homes e amata mai le aso 1 Iulai 2023. O lona uiga e man'omia ona asia a matou fale uma e siaki:

- pe fa'apefea ona fa'amafanafana
- pe o iai se insulation-i le fa'alo ma le fola
- Mea e faasau ai le ea fou i totonu o le fale (Ventilation)
- ālavai
- po'o tutulu po'o sao le ai le suavai
- pe e lagonaina le sao atu o le savili i totonu o le fale

O le taimi e mo'omia ai e le Kāinga Ora ona faia siaki nei i lou fale, o lea fa'afes'ota'i atu loa le fai konekarate ia te oe e fa'atulaga se taimi mo le asiasiga. A mae'a loa ona fa'atino siaki, o le a latou fa'ailoa atu ia te oe galuega e mo'omia ona faia, ma le taimi fo'i e alu atu ai le tagata e fa'auma le galuega. E tāua tele le tulaga lea o le fa'ataga atu o le tagata fai konekarate i totonu o lou fale e faa'tino le galuega. Fa'amolemole, talanoa i lē o lo'o va'aia lou fale pe a iai ni ou popolega po'o ni au fesili.

**Fa'afetai ua mafai ona e galue fa'atasi ma i matou ian ia maua se fale e lelei mo oe ma lou aiga.**



## Maua le fiafia i Hastings i le atina'e i Kauri Place.



Le feiloa'iga a le Palemia o Jacinda Ardern i Kauri Place ma Marie ma Fred.

### O le fiafiaga o le iai o le fale fou e mafai ona fafau ai a latou olaga na atagia mai i foliga va'aia o i ni tagata e to'alu mai Hastings.

Na feiloa'i Marie ma Fred ma le Palemia o Jacinda Ardern lata mai nei, ina ua ia tatala aloa'ia se tasi o poloketi tau fau fale e pito sili ona telē i fafo mai o taulaga tetele i Niu Sila.

E 40 fale fou, mafanana ma mago ua fausia i Kauri Place, i Hastings, ua nofoia uma ma ua amata ona suia ai olaga o i latou o lo'o nonofo ai. O le sifi mai le tulaga na nonofo ai i totonu o ta'avale, potu mautotogi, fale ta'avale ma isi nofoaga lē fetau sa nonofo muamua ai, ua mafai i le nonofo i a latou fale fou ona taula'i atu ai i le lumana'i.

E eseese ituaiga fale e maua le fale e tasi le fogāfale, fogāfale lua ma

fale pipi'i ua uma ona fuafuaina le fausiaina lea na matou galulue ai ma le iwi ma le Hastings District Council ia malamalama i vala e pito sili ona tāua mo le latou vaipanoa, ma fa'aaogā nei fa'amatalaga e fau ai nu'u olaola e tusa ma le taimi ma le mana'oga.

E 95% o tagata na galulue i ia galuega, o a latou a lotoifale o lo'o galulue ai ma o nei poloketi ua maua ai galuega, taimi e tasi o lo'o tino mai ai fale lelei atoatoa e tusa ma le mana'oga.

O lo'o fa'aaauu ona galulue fa'atasi le Kāinga Ora ma iwi eseese, pulega o nu'u (councils), fa'alapotopotoga i lotoifale ma faiga pa'aga i fauga fale ma le sini autu-o le fefa'asoa'i ma atina'e fuafuaga ma tonu e mafai tali atu ai i le mana'oga mo fale. E ausia e lenei le poloketi le fausaga o fale e 600 pe a o'o i lona taunu'uga i le 2023.

Mo le fa'amautuina o lanu na fa'aaoga mo lenei fauga fale, na galulue fa'atasi

sui mai le a'oga a St Mary's School, Mahora Primary School, Hastings District Council ma le Kāinga Ora , ma na fono ma tagata tusi ata i lanu ua iai le taimi nei.

Na fa'aaogaina le igoa o le auala ma lona tulaga e fai mai ta'iala i a latou fa'ai'uga. Lanu o le la'au o le kauri (ogāla'au, lau ma fua) ma le manu lele e masani ona asiasi ane ai o le kererū, na fai ma mafua'aga fa'avae na lei ona fa'aaoga lanu ia ua iai i le atina'e. Sa fa'ameaalofa atu foi e le Mana whenua le igoa o le auala fou na mafua ona o le fauga fale. O le Ohika Crescent e fa'asino lea i le igoa tuai o le fanua lea a'o umia e tagata Māori i taimi ua te'a-Ohika Block

